



UNIVERSITÄTS-
BIBLIOTHEK
PADERBORN

**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Cap. III. Vindicatur Chronologia Flavii Josephi de vita & gestis Herodis ab
erroribus Scriptori illi Judaico immeritò impactis.

[urn:nbn:de:hbz:466:1-62332](#)

CAPUT III.

Ostenditur Chronologiam Flavii Josephi de annis Regni Herodiani non esse mendosam, quod autores aliqui causantur.

Dixi aliqua in laudem Flavii Josephi c. IV. sect. II. & quod præsertim in gestis Herodis magni posteritati transcribendis scriptor ille, si quis alius solers fuerit, & accuratus. Id vero præprimis contendo, chronologiam ejus annos Herodiani regiminis complexam vicio, & labe carere, id quod scriptores ex RR. non pauci credidere, itaque haud obscuri nominis. Cætera, quæ alii in re historica Josepho hebræo crimini vertunt, nil ad scopum faciunt. Esto enim reticuerit aliqua, licet memoria digna, Idque etiam fide non bona, ut sunt adventus Magorum Jerosolymam, turbatio exinde sacrae urbis, concilium ab Herode indictum, ut sciscitaretur de loco Messiae nascituri, infanticidium, ut is jam natus ē medio tolleretur crudeliter imperatum, & crudelius datum executioni tot innocentum fuso sanguine, & si quæ sunt ejusmodi à Josepho in vita & rebus Herodis dissimulata. Quid tamen ista momenti habent ad evincendum, quod Author ille vel fuerit deceptus in Epochâ Regni Herodiani, & annis digerendis, quæis acta Idumæi Regis erant consignanda, vel alios decipere voluerit Christiani nominis odio, aut fine alio præpostero? quid enim mala hac fide, de qua facile à contemporaneis scriptoribus redargueretur in rem suam lucrari poterat? acta illa Herodiana ætate patrum contigerant, & apud plerosque erant in recenti memoria. Ostendi loca cit, luculentè indicaram à Josepho Epocham Regni Judaici à Senatu Romano Herodi decreti L XIV. antiquit C. 26. cùm illud Senatus consultum, ut in Judæa Herodes regnaret, editum dixit Domitio Calvino & Asinio Polione Coss. anno videlicet Juliano VI. æram vero alteram Regni nimirūm aditi ab eodem Herode post detrusum Antigonus æmulum ille Hebraicus scriptor c. 28. demonstravit, cùm triennio post id factum scriptit anno Sabbatico, temporum charactere certissimo, Coss. viipsanio Agrippa, & L. Canidio Sallo, nempe anno Juliano 9. Utrâque hac Epo-

cha,

ea, ubi anni Regiminis Herodiani occurunt, jugiter præ oculis habita, omnino plana decurret tota circa res gestas Idumæi Regis Chronologia. Mortem itidem Herodis L. XVII. c. 10. Josephus rursus liquidò denotat, cum eum regnasse dicit, ut Antigonum æmulum sustulit annis triginta quatuor, postquam autem à Romanis Regnum obtinuit triginta septem. Capite vero ejusdem L. XVII. Flavius refert, Tyrannum cum fato jamjam luctantem ad septuagesimum iuxæ ætatis annum accessisse.

Propius quid in rem suam affere videntur illi, qui Flavii Chronologiam in annis Herodis haud esse labis immunem evincere volunt, cum dicunt testari Josephum L. XIV. c. 14. Herodi à Patre Antipatro Galilææ gubernationem commissam, cum esset admodum juvenis, nam 15 non amplius annos habebat. Ex quo Judæi Scriptoris testimonio, & iis, quæ nuperimè allata de ætate Herodis ad septuaginta annos producta, ut idem Josephus asserit, contra ejus Chronologiam potenter, ut ipsi quidem autumant, ita arguunt. Herodes, cum à patre Galilææ administrationem suscepit, annos duntaxat 15. erat natus. Quod eodem Flavio referente per idem tempus contingisse videtur, quo ipsi Antipæ à Julio Cæsare collata potestas instaurandi muros Jerusalem à Pompejo destructos, seu juxta solertiissimi Petavii calculos anno urbis 707. cum itaque tota ætas Herodis afferito Josephi ad LXX. ferè annos sit extendenda additis anno urbis 707. annis 54 vel 55, qui scilicet à decimo quinto ad septuagesimum Herodis vitæ annum sunt elapsi, obtinebitur annus urbis 760 vel 761. morti Herodis assignandus seu Æ. V. annus Septimus vel Octavus, ante quem tamen pridem obiisse Tyrannum est, & esse debet Chronologis omnibus manifestum.

Etiam ii, qui alias Flavii Chronologiarum favent, illamque ab adversariorum obiectis tuentur hic titubant, & responsis dubiis rem potius implicant, quam explicent. Sunt qui hic Hebraum scriptorem humani quid passum, & hallucinatum fateantur. Alii locum illum: nam 15. non amplius annos habebat fibarum incuria corruptum suspicantur, quippe qui loco 15. debuissent scribere 25. tertii denique reliquo annorum quindecim numero invariato errorem legunt in Herodis ætate ad annos 70 extensa, cum solum 60. exarari debuissent. Sed nunquam mihi placuere varia hec, & minimè expedita ad obiectam Josephæ chronotaxi labem responsio. Si enim in illo loco quoad

annos Herodis est hallucinatio scriptoris Hebræi, magna saltēm inge-
ritur suspicio, ne in aliis quoque Chronologiam vitæ, & factorum
Herodis spectantibus bonus dormitarit Homerus. Si Josephus pri-
mò scriptit Herodianæ ætatis annum 25, & amanuenses descripsere
perperam 15, quis mirari potuit, quod vigintiquinque annorum juve-
nis tanta, quæ ab ipso recensentur, in suscepso Galilææ regimine præ-
stiterit. Herodianis actis illustriora dedere multi in pari ætate, &
nil ferè adultior totum suo dominio orientem subegit Alexander
Macedo. Et quo jure viginti & quinque jam annos natus Herodes
nuncupatus à Flavio Judæo *admodum juvenis?* nec Pagii, nec Peta-
vii animadversiones intellectum satiant. Si verò tantum annos sex-
ginta in vivis egisse dicatur, qua fronte Josephus Tyranni vitam nun-
cupat *longissimam?* Dico ergo & 15. duntaxat annorum fuisse He-
rodem, quando Galilæam procurandam à patre Antipa accepit, & gran-
dævum annorum proximè septuaginta, cùm post Christi glorioſos
Natales ipse inglorius, & ob ferinam crudelitatem invitus omnibus,
penèque sui ipsius carnifex fatis cessit. Id autem nego, & pernego,
annum fuisse urbis septingentesimum septimum, quando primò Ga-
lilæam à patre administrandam accepit. Unde enim annum istum li-
quidò adversarii deducunt? inde haud evincitur, quod Josephus aſſe-
rat, Antipatrum Herodis parentem à Julio Cæſare post devictum Pom-
pejum in Palæstinam delato constitutum esse Procuratorem Judææ. Id
enim munii antecedenter à Pompejo post captam anno urb. sexcentes.
nonages. primo Jerosolymam Antipater obtinuisse potuit, adeoque He-
rodes à patre suo constitui Galilææ Praefectus, longè ante annum ur-
bis 707. quando ipse censebat annos quindecim, urbis verò numera-
batur annus 694. vel 695, ab anno ejusdem urbis 749, quo in nostra,
& Josephina chronotaxi vivis eruptus Herodes, 54. vel 55. annorum
periodo remotus, & Tyranni vitam ad annos 70. protensam demon-
strans. Collatam porrò dignitatem Præsidis Galilææ anno urbis 707.
nulla efficaci ratione suaderi potest. Certè lecto curatè ea de re Jo-
sepho nil colligi valet idoneum ad id evincendum: Quia imò Anti-
patrum Pompeii favore, quem contra Parthos strenue juvit, Judææ
procurationem adeptum, luculentus testis est Sulpicius severus Bitu-
icensis Archiepiscopus, dum L. II. Historiæ sacræ refert, pompejum
captis Jerosolymis anno urb. 691. M. Tullio Cicerone, & Antonio
Nepote Coss. constituisse Antipatrum quemdam Ascalonitem Judæis pro-

procuratorem, cuius Antipatri filium dicit fuisse Herodem. Imò & ipse Flavius L. XIV. c. 14. Antipatrum hunc Judæorum vocat Gubernatorem, quando necdum à Julio Cæsare dignitatem eam erat consecutus, quod ipsum Auctor Hebræus cap. XV. reperit, Strabonem Cappadocem itidem Historicum adducens, qui Antipatro id munieris tunc attribuāt, quando necdum à Julio Cæsare procurator Judææ erat constitutus. Nam istius Antipatro à Cæsare collatae potestatis mentio primum fit sub ejusdem cap. XV. finem, ubi antiquit. Judaic. scriptor ita loquitur: *Cesar oratione Antipatri motus Hyrcanum in Pontificem declaravit, Antipatro Dynastiam, quamcumque ipse optaret obtulit, & procuratorem insuper Judeæ declaravit.*

Ponamus autem, quod ego quidem nunquam concessero, ponamus inquam, vel locum Josephi Hebræi quoad annum ætatis Herodis, quando Galilææ fuerat præfector, scribarum errore corruptum, vel ab ipso Historico per imprudentiam primitus perperam conscriptum, quis tamen annos Regni Herodis vitiatos jure causetur in Josephina chronotaxi, cùm & initium utrumque tum decreti à Romano senatu, tum aditi Judæorum Regiminis post detrusum solio Antigonum certum à notatis consulibus habeamus, finem verò ab ætate Herodis longissima, & ad septuages. annum accidente teneatous manifestum? fuerit mea pace procuratoria dignitas Antipatro etiam primò collata à Julio Cæsare, adeoque Herodes jam annos viginti quinque natus Galilæam assumplerit gubernandam urbis anno 707. inconcussum tamen, & si quæ adhuc fides Historica, certum manet, anno Juliano sexto exeunte, seu Coss. Domitio Calvinio iterum, & Asinio Polione, adnitentibus Augusto & Marco Antonio, Romani Senatūs consulto Herodi decretum esse Judææ Regnum, & anno Juliano nono, seu Coss. M. viplianio Agrippa, & Livio Canidio Gallo post devictum eo anno Sabbatice Antigonum Regnum illud aditum ab Herode, hunc verò deceßisse anno prioris Epochæ triges. septimo, posterioris triges. quarto, seu Juliano quadragesimo secundo; tria etenim hæc verbis disertis errori, vel corruptioni scribarum, aut hypothetarum minimè obnoxiiis testatur Josephus, primum quidem L. XIV. c. 26. alterum c. 29. tertium L. XVII. c. 10.

Q

CA-